

BOSNA I HERCEGOVINA
PARLAMENTARNA SKUPŠTINA
BOSNE I HERCEGOVINE
DOM NARODA
Broj: 02-02-139/99
Sarajevo, 31.8.1999. godine

Z A P I S N I K

8. sjednice Doma naroda Parlamentarne skupštine Bosne i Hercegovine, održane 31. avgusta 1999. godine

Sjednica je počela u 17,15 sati.

Sjednicom je predsjedavao Izet Žigić, predsjedavajući Doma naroda Parlamentarne skupštine Bosne i Hercegovine.

Sjednici je prisustvovalo 13 delegata Doma naroda Parlamentarne skupštine Bosne i Hercegovine.

Opravdano su odsustvovali sa sjednice: Pero Marković i Ivo Živković

Sjednici je prisustvovao i predstavnik PHARE programa i predstavnici sredstava informisanja.

Nakon što je predsjedavajući konstatovao da sjednici prisustvuje 13 delegata i da ima kvorum za pravovaljano odlučivanje, predložio je sljedeći

D N E V N I R E D

1. Usvajanje zapisnika 6. sjednice Doma naroda;
2. Usvajanje zapisnika 7. sjednice Doma naroda;
3. Usvajanje zapisnika Prve zajedničke sjednice oba doma Parlamentarne skupštine BiH;
4. Prijedlog Programa rada Doma naroda za period avgust-decembar 1999.godine;
5. Završni Izvještaj Organizacionog odbora Samita Pakta o stabilnosti za Jugoistočnu Evropu, održanog u Sarajevu 29.-30. jula 1999. godine;
6. Delegatska pitanja.

Prije usvajanja dnevnog reda delegat Avdo Čampara predložio je da se 5. tačka dnevnog reda odgodi za sljedeće zasjedanje, uz konstataciju da sjednici niko od članova Vijeća ministara ne prisustvuje, a za ovu tačku dnevnog reda potrebno je bilo uvodno izlaganje predstavnika Vijeća ministara kao predlagača.

Dom naroda je jednoglasno 5. tačku dnevnog reda, Završni Izvještaj Organizacionog odbora Samita Pakta o stabilnosti za Jugoistočnu Evropu, održanog u Sarajevu 29.-30. jula 1999. godine, ogodio za sljedeću sjednicu.

AD - 1

Zapisnik 6. sjednice Doma naroda, održane 19. i 22. jula 1999.godine usvojen je jednoglasno.

AD- 2

Predsjedavajući je konstatovao da je Dom naroda jednoglasno usvojio Zapisnik 7. sjednice, održane 27. jula 1999. godine.

AD-3

Na zapisnik 1. zajedničke sjednice oba doma delegat Đoko Pajić ukazao je na grešku tehničke prirode. Na 2. strani zapisnika, u drugom redu teksta, iza nastavka sjednice, poslije pauze umjesto "Rasim Kadić" zamjeniti sa "Đoko Pajić".

Predsjedavajući je konstatovao da je Dom naroda jednoglasno usvojio Zapisnik 1. zajedničke sjednice oba doma, održane 22. i 27. jula 1999. godine.

AD –4. Prijedlog Programa rada Doma naroda za period avgust-decembar 1999. godine

Ispred Radne komisije o ustavnim i pravnim pitanjima, predsjedavajući Momir Malić iznio je mišljenje Komisije, koja je konstatovala da je Program rada u skladu sa Ustavom i Privremenim poslovníkom i da nazivi zakona i analitičko informativnih materijala ne prejudiciraju njihovi konačni nazivi i sadržaji. Komisija nije ocjenjivala ustavnost zakona.

U raspravi su učestvovali sljedeći delegati: Momir Malić, Drago Ljubičić, Avdo Čampara Vladimir Šoljić, Izet Žigić i Mugdin Herceg.

Momir Malić mišljenja je da Parlamentarna skupština treba donijeti program rada i usvojiti zakone i dio informativnog materijala koji je neophodan za prijem BiH u Vijeće Evrope.

Drago Ljubičić smatra da je potrebna veća koordinacija na nivou institucija BiH. Predložio je da se organizuje zajednički sastanak Predsjedništva BiH, Vijeća ministara BiH i Kolegija oba doma Parlamentarne skupštine BiH u pravcu utvrđivanja obaveza kod razmatranja i usvajanja materijala iz nadležnosti Parlamentarne skupštine.

Avdo Čampara je istakao da se skoro u potpunosti u Programu rada podudaraju nadležnosti oba doma Parlamentarne skupštine BiH. Napomenuo je da kao ovlašteni predlagača zakona može biti svaki poslanik-delegat pored Predsjedništva i Vijeća ministara BiH. Zakone koji se dostave Parlamentu potrebno je dati u proceduru, a u raspravi o njima utvrdit će se da li postoji ustavni osnov za njihovo usvajanje.

Vladimir Šoljić je mišljenja da je predhodno potrebno imati Programa rada Vijeća ministara, te je predložio da se obave konsultacije sa Vijećem ministara u sljedećih 15 dana, nakon čega treba uraditi program rada.

Izet Žigić, osvrnuvši se na sadržaj Prijedloga Programa rada koji proistječe iz obaveza Madridska deklaracije i drugih dokumenata koje je potrebno donijeti radi ulaska BiH u evropske integracije i institucije, istakao je potrebu za posebno usvajanje Zakona o izbjeglicama i raseljenim osobama na teritoriji BiH i predložio da se u poglavlju analitičko-informativnu djelatnosti uvrsti priprema BiH za članstvo u EU i implikacije inicijative za pristupanje BiH u EU i Svjetsku trgovinsku organizaciju.

Herceg Mugdin je konstatovao da Program rada predstavlja značajnu osnovu za aktivnosti Parlamentarne skupštine BiH i predložio uvrštavanje u Program rada usvajanje zakona koji se sada primjenjuju na privremenim osnovama, donesenim od Visokog predstavnika. U dijelu Programa koji se odnosi na Parlamentarnu saradnju i druge aktivnosti predlaže da se sačini raspored članova delegacije koji će ići u posjetu VE, OSSE, IPU, SE i drugim organizacijama.

Predsjedavajući je konstatovao da je većina primjedbi i sugestija već ugrađena u Program rada.

Dom naroda je donio sljedeći

Zaključak

Primjedbe i sugestije date na Program rada biti će predmet rasprave na Kolegiju oba doma, sa predstavnicima klubova političkih stranaka, koji će se održati 9.septembra 1999. godine.

Predsjedavajući je prekinuo rad sjednice i zakazao nastavak 15.9.1999.godine.

Sjednica je prekinula rad u 18 sati.

Magnetofonski snimak čini sastavni dio Zapisnika .

NASTAVAK 8. SJEDNICE DOMA NARODA PARLAMENTARNE SKUPŠTINE BOSNE I HERCEGOVINE, ODRŽANE 3. DECEMBRA 1999 .GODINE

Sjednice je počela u 11.50 sati.

Sjednicom je predsjedavao dr. Izet Žigić, predsjedavajući Doma naroda parlamentarne skupštine Bosne i Hercegovine.

Sjednici je prisustvovalo 10 delegata Doma naroda.

Sjednici nisu prisustvovali delegati: Vinko Zorić, Momir Malić i Đoko Pajić.

Sjednici su prisustvovali: predstavnici OHR-a, OSCE-a, Phare programa, Evropske posmatračke misije, članovi Vijeća ministara BiH i predstavnici sredstava informisanja.

Nakon što je predsjedavajući konstatovao da sjednici prisustvuje 10 delegata i utvrdio da ima kvorum za pravovaljano odlučivanje, za nastavak 8. sjednice usvojen je sljedeći

DNEVNI RED

1. Program rada Doma naroda Parlamentarne skupštine Bosne i Hercegovine za period novembar - decembar 1999. godine.

U raspravi su učestvovali: Vladomir Šoljić, Ristan Ristić i Mugdin Herceg.

Delegati Vladimir Šoljić i Ristan Ristić smatraju da Dom naroda treba usvojiti predloženi program rada, koji je identičan sa usvojenim Programom rada Predstavničkog doma za period novembar - decembar 1999. godine.

Delegat Mugdin Herceg je predložio da je potrebno usvojiti i zakone koje je Visoki predstavnik donio na privremenim osnovama a to su : Zakon o grbu BiH, Zakon o zastavi BiH, Zakon o državnoj himni BiH i Zakon o administrativnim taksama, pa je mišljenja da Kolegij osigura razmatranje i usvajanje navedenih zakona na sljedećim sjednicama Doma naroda.

Doma naroda jednoglasno je usvoji Program rada Doma naroda Parlamentarne skupštine Bosne i Hercegovine za period novembar - decembar 1999. godine .

Sjednica završena u 12.05 sati.

Magnetofonski snimak čini sastavni dio Zapisnika.

Predsjedavajući
Doma naroda
Parlamentarne skupštine BiH
dr. Izet Žigić